

Rapport dalla sessiun dil cussegl da vischnaunca dils 24-04-2017

Tractanda 1

Approbaziun dil protocol dalla sessiun dils 20-03-2017

Il protocol dalla sessiun dils 20-03-2017 vegn approbaus en votaziun unanima cun engraziament.

Tractanda 2

Render quen per 2016

- a) Orientaziun e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtants dil quen communal digl onn 2016 sco suonda:

Il quen current siara cun expensas totalas da frs. 7'429'336.04 ed entradas totalas da frs. 7'544'636.04, pia cun in gudogn da frs. 115'300.-. Igl ei vegniu fatg amortisaziuns ordinarias ell'altezia da frs. 215'578.25, amortisaziuns supplementaras da frs. 701'401.85, amortisaziuns da frs. 20'902.- tier il quen da canalisaziun Trun e frs. 8'100.- tier l'ovra hidraulica Runcalatsch. Il gudogn avon amortisaziuns (cashflow) munta à frs. 1'197'375.45.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da frs. 4'070'388.60 ed entradas totalas da frs. 1'067'867.20.

Las grondas posiziuns secloman:

•	Sanaziun vias communalas	frs.	325'558.10
•	Via Pendas	frs.	246'649.55
•	Sanaziun via Principala	frs.	111'475.20
•	Investiziuns canalisaziun communal	frs.	115'788.15
•	Project via Munt	frs.	1'061'700.50
•	Emprest Campadi Ogn	frs.	1'890'000.00

Allas damondas che vegnan tschentadas ord il cussegl san suprastanza e canzlista rispunder per cuntentientscha dallas cusseglieras e dils cussegliers.

Il president dalla cumissiun da gestiun Enrico Mazzetta rapporta davart la lavur dalla cumissiun.

La cumissiun da gestiun ed il biro da revisiun recamondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Sin fundament dallas examinaziuns propona la cumissiun da gestiun:

- **d'approbar il quen 2016 che siara cun in gudogn da frs. 115'300.-.**
- **da dar scarica als responsabels dall'administraziun communal ed alla suprastanza communal admettend a tuts il meritau engraziament per lur buna lavur e quitau per ils fatgs communal**

- da dar scarica a tuts funcziunaris ed emploiai communal renconuschend la vasta lavur prestada

Cun 14 : 0 vuschs approbescha il cussegl da vischnaunca il quen communal digl onn 2016 tenor la proposta dalla cumissiun da gestiun cun resalva dil referendum facultativ.

Tractanda 3 Approbaziun dil quen 2016 dalla meglieraziun Schlans

Igl onn 2016 ha la meglieraziun funsila giu expensas totalas da frs. 517'974.80 ed entradas totalas da frs. 571'600.-. La gronda part dallas investiziuns ein succedidas per la via Prada Giudem-Spinas. Las expensas totalas per igl entir project da meglieraziun da Schlans contonschan per la fin digl onn 2016 la summa da frs. 9'789'907.75. Las entradas da confederaziun, cantun, vischnaunca e privats muntan à frs. 9'632'314.15.

Il quen ei vegnius revedius dalla cumissiun da gestiun e dils revisurs dil biro Confidar.

Cun 14 : 0 vuschs vegn il quen 2016 dalla meglieraziun da Schlans approbaus.

Tractanda 4 Sligiar si la cumissiun predeliberonta per in uorden da parcar

La lescha da parcar sin territori communal dalla vischnaunca da Trun ei vegnida approbada dil pievel alla votaziun all'urna dils 12 da fevver 2017. La suprastonza communal propona al cussegl da vischnaunca da sliigar si la cumissiun che ha preparau la fatschenta.

Cun 14 : 0 vuschs decida il cussegl da vischnaunca da sliigar si la cumissiun predeliberonta per in uorden da parcar.

Tractanda 5 Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president
Donat Albin

L'actuara
Sandra Gautschi